

8
湖海集

燕山

我行經燕山。憑弔古戰場。當時銳頭兒。誓死事戎行。功業未得成。金鏃遺山岡。阜鷗如車輪。飛來立人旁。黃雲蔽四野。風沙浩茫茫。驅馬行出關。悲歌慨以慷。身著短後衣。劍佩百鍊鋼。扼吭度飛狐。仰面看天狼。生當為冠軍。死當為國殤。

與徐二紫凝

我居長千里。布席依茂林。君來秦淮上。臨流滌煩襟。皎々冰雪姿。



錢唐沈用濟方舟

炎暑不得侵。此會非所料。此樂難重任。驪駒方在戶。別酒且復斟。
飄風颯然來。絲竹有哀音。君歸湖之曲。我臥山之陰。好水不在大。
好山不在深。自非樵與漁。疇能知此心。

吳門留別諸同人 時寓朱氏白松書屋甲辰五月七日

我從淮南來。將返長干里。念我舊日遊。回帆指吳市。相留具琴尊。
所說惟圖史。學詩數十年。心苦味逾旨。豈無軒冕交。不如我君子。
喬松蔭飛櫛。竒石相縈帶。上有栖枝禽。嚶嚶鳴可愛。有如同心友。
少長成嘉會。山月催離觴。江風引征旆。何以紓我憂。遙憶記瓊佩。
仲舒富經術。天下稱碩儒。管蕭負霸略。所學徒區區。平生志好古。
歌詠聊自娛。聰明用逾出。衰至乃無餘。長揖謝故人。歸讀千載書。

妾受命辭

太初一氣絢。二儀陰陽遂。分男兒南斗。墮地女子奉帚事人。解一
妾受命于少孤。師氏教以詩書。阿母愛予早有家。託君子以賤軀。
解二乘華軒。子歸德門。曳綺縠。芳羅金尊。上事公姥。子無間言。俯蓄
五子。子今有孫。解三何以奉君朝餐。銅盤或炙。或燔。何以奉君禦寒。
裁縫越布。吳紉。解四鼠穿墉。兮狼入室。脣乾口燥。兮不可與說。無褐
無衣。子迫冬日。解五晨雞。伊喔。天雨霜。明星煌煌。出洞房。為君秣馬。
遊四方。解六丈夫氣。磊落。朗如日照。臨渴莫飲。盜泉水。倦莫憩。惡木

陰解七出門常苦遠。在家常苦貧。女子當門戶。百難萃其身。解八思我
君子。芳蔚為國華。富貴勿喜。芳貧賤勿嗟。履仁服德。芳名乃終葩。

解九

雀飛多

飛。黃雀一鳴三躍。思食塲苗。載行載却。田間一小兒。持弓復挾
彈。黃雀得知之。高飛摩霄漢。回頭語小兒。彈我欲何為。食君稻粱
不滿腹。願我身上無多肉。

古鏡嘆

君不見古鏡多年被塵障。藏在匣中人不向。一洗金膏似月明。朝
來又挂青天上。分明秋水為精神。幾回照還照。新亦知好醜。何
常定。惟願新人勝故人。

黃河大風行

黃河之水自天落。我舟來向黃河泊。遙看雲氣如飛龍。知有東南
大風作。大風一起天茫茫。排山倒海不可當。浪花捲起高十丈。虛
擬沉牛截狂象。危檣大扁撼不停。霎時飄散同流星。高岸倒震巖
鼓裂。怒濤亂捲蛟涎腥。暝來打篷聲。臍膊半為雨。點半冰。電夕陽
欲下風更狂。吹落孤帆天一角。一舟重有萬鈞力。颺入泥沙脫不
得。一舟觸石摧鵲尾。窺見青天在艙底。水面一舟飛鳥輕。無枝可

棲心目驚中宵一舟為盜劫風燈熒照空篋其餘湍急難鼓柁
客船十箇碎兩箇同泊尚餘四五船星斗墮地船上天長年當風
立至曉我輩豈得高枕眠近見青齊成水府况聞中州少安堵皇
天降灾良有曰汝曹定觸河神怒不爾風濤何太苦男兒勿恃膽
力麤要知蹈險非良圖新河安穩路徑直汝何不趨畏途豈惟
黃河為畏途波瀾平地無時無

唐毓東華山圖

西嶽崢嶸插天立誰敢摩雲揮墨汁仰攀帝座通呼吸俯瞰黃河
盪胸臆唐君運腕作詭譎風雨淋漓百神泣言從十八盤一窮
遊踪杯看百尺峽蟻視千尺嶂憑虛攬松檜飛步超芙蓉振衣仙
掌側沐髮天池中明星在天手可摘磊落金錢同琉璃簸蕩
赤焰射跋烏鼓翼清華宮北極恒山東泰岱衡岳嵩丘怯相配茲
山竒絕冠雲霞紫梨千樹垂仙家茅君遊戲寄六著玉女窈窕簪
三花若有人兮授真訣杖忽化龍騰白日非春王井花亂開欲雨
車箱鳥飛出千竒搜不盡五日遊未還松崑雲壑兀莫狀愴怛出
沒生綃間想像經營驅五丁筆歌墨舞通香冥水簾百道素練熒
蘿衣絳絜風寥冷金堂石室開重扃鹿馭來村鄉酒姥流霞
白且馨鏘然仙樂彌天庭手掣蚺蠟擲巨靈柝牛返走驚雷霆天

下多名山。唐君何好此。頗覺心目中。西嶽無與比。西嶽之水子。二
十八潭。西嶽之木子。維荆与杞。西嶽之禽子。赤鷲来翔。西嶽之寶
子。瓊瑤鬪美。眼底金天。招我遊安能。終歲騎土牛。終南太白去。尺
尺赤車駟馬。余何求。披圖如入公。超霧樹暗崑崙。深不知處。他年貌
我丹臺巔。肯負金箱。逐君去。

大梁元夕

君不見大梁元夕月如練。主人堂上開佳宴。平頭奴子列兩行。爭
捧瑤觴進華饌。笑指春燈交画梁。繡幃錦帶風飄揚。翠屏十幅羅
中央。紗籠蠟樹紫紺光。皎如扶桑白日出。寶鏡瞳々照不入。雷鳴
一聲驚衆蟄。乳落銀花如雨急。紅煙燿々飛繞身。火中躍出青麒麟。
麟四蹄蹴踏起霹靂。左顧右盼如有神。主人此時歡心剝。手擘黃
柑歡賓客。須臾燈炮歌舞歇。惟見中天冰彩白。酒闌月墮夜向晨。
人生苦樂難具陳。願將今夕花燈費。散与無衣無食人。

挂劍臺歌

延陵有劍光截玉。徐君愛之頻屬目。當時心許口不言。歸來挂向
墓前木。至今艸生成劍形。風葉墮地同劍聲。區々解贈何足重。古
人於此見交情。事無細大貴以誠。乃知讓國非好名。

祈雨謠

雞鳴月落高原。仰觀天星尚繁。不知戶外一何喧。前街擊鼓後
街搖鈴。寺僧毘盧誦梵經。左把檉柳枝。右挈淨水瓶。田婦蓬首田
夫鳩形。女巫紅衫蕭艾馨。小兒泥龍鱗甲青。崩角稽首上告神靈。
當今。皇帝聖明。蠲租賜復。敕吏正獄。明刑何彼。而工斬膏澤。匿
雷霆。使我百穀枯槁。芸生不寧。爰立紫壇。張雲屏。吐角咀。徵風寒。
冷。蘭肴桂醑。香鴻冥。羽旄纓紵。神降庭。螭蜺鼓。石燕舞。甘雨一
注。傾滄溟。潤茲來年。教盡蝗螟。邀神貺。兮歌大有。歲躋公堂。兮介
眉壽。十雨五風。兮勤我畝畝。

求仙行

歸去來。求神仙。神仙五嶽三山間。以金為階。玉為堂。擘麟脯。兮吸
澆漿。東皇左右。彈八瑯。玉女大笑。開電光。千秋萬禩。為樂未央。嗟
我下民。貧者日茹荼。富家羅列大哉。豐膳極欲。令人枯。仰觀天門
詖蕩。不可上。俯視蠕蠕之地。難以久居。我欲御飈輪。騎日月。承華
蓋。朝丹闈。玉狗磨牙。鴻龍鼓翼。回我玄雲車。稅駕芙蓉城。仙人頷
我笑。摩頂受長生。至哉道妙。為天地根。聖人體之。入宵出冥。不聞
不見。澹泊無營。韶精鍊氣。壽與天并。

遊宗伯王吳廬園林

君不見中山甲第高入天。翬飛鳥革排雲煙。朱輪紫戟夾道列。撞

鐘伐鼓聲喧闐。三百年來世及覆。尚書得之重樸斷。名園從此如
深山。時許閑人看修竹。一峰獨立氣象尊。金聲玉德非雲根。一峰
飛來挾雙羽。乘風勢欲摩天門。別有一峯橫在地。百孔玲瓏支雲
氣。鼎峙分明海上山。三朶芙蓉削空翠。旁通一洞煙霧冥。微茫射
入天光青。枯藤倒垂儼瓔珞。鳴瀑直下驚雷霆。我聞園中有峰一
十四。風雨年深遭棄置。阿誰呼取豐隆召百靈。揮動神鞭盡驅至。
或俯如巖巖。或蹲如豹獅。或如美人未膏沐。或如古鼎沉漣漪。尚
書興發重興作。一一標名布林壑。祇憐眼底成畫圖。誰信牀頭乏
金錯。孤亭突兀俯石頭。繞城四面煙樹稠。浮圖千燈結紫紺。大江
一碧涵空秋。俯瞰方池拭清鏡。紅橋幾曲通花徑。有時肘後繫道
書。永日心中習禪定。客來東閣長筵張。堆盤菱藕冰雪涼。不曹賭
酒間博奕。賦詩擊節諧宮商。此外何思復何慮。雲臺麟閣知何處。
不見當年張子房。辟穀還隨赤松去。

漁父詞

桃花水長春江滿。菖蒲抽節荇芽短。老翁識得子魚天。靜坐灘頭
候風暖。暝來月出聞扣舷。得魚沽酒醉還眠。縱然飄泊隨湖海。猶
喜妻孥共一船。

東隣女兒歌

東鄰女兒閑且都。花顏雲鬢白雪膚。門前湖水一鏡鋪。蓮舟不上
欲誰頂。年々秋色老。孤蒲紅衣落。盡煙模糊雲中。鳧睨水中。鳧若
早雙飛。今有雛。

為鐵夫大和尚題飛雲歸鶴圖

徐芝仙書

翠屨先生家淮海。埋骨天津五十載。上人掘地深及泉。古甕無恙
朱書在。徐君餘藝絕世無。為作飛雲歸鶴圖。經營別自出機杼。儒
釋雖異心相孚。芝仙二幼失親墓 梵僧十八衆。類聚非鋪張。相迎
各異態。笑貌窮毫芒。身作黃金色。口吐蓮花香。或持帝青鉢。滿貯
醍醐漿。或擎琉璃塔。照耀白毫光。或肩錫杖。手握杵。或翻貝葉擔

金箱。身騎異獸不一狀。白鹿前導從神羊。狡狴氣靜象背穩。虎兕
帖耳行徜徉。青鸞孔雀夾左右。赤龍騰出追飛黃。魔女潛形竒鬼
拜法輪。自轉隨珠幢。迦陵之鳥善歌舞。天花四散風飄颻。上人介
時負一鶴。足踏飛雲歸寶坊。諸天合掌大歡喜。宛若故人來故鄉。
金仙變化無不有。此圖雖幻理亦常。重用艾葯襲重錦。名流點筆
皆琳琅。潞河四月水大發。上人別我蒲帆張。風號雨泣四千里。奉
父骸骨還山陽。鶴有巢兮雲有根。先後同歸不二門。大眾披圖讚
贊嘆。十八尊中添一尊。

友人贈馬

徒步憐衰疾。驅驢為我求。箒雲未上馬。噴玉出長楸。蜀秣情難報。閩山老未休。平生游俠意。原不在封侯。

大同道中

千嶺朝陰嶽。三城控大同。雲形隨列嶂。山響應調弓。馬踏黃河雪。鷹呼白州風。飛狐那用塞。天險古來通。

登晉陽城

山迥通勾注。城高瀉濁河。地形三晉險。秋色五原多。落雁猶蹄野。飛蝗不受羅。轅門諸將吏。夜、醉笙歌。

代州道中

三閩誰保障。一客此飄蓬。陰雪餘秦塞。黃雲即代宮。力窮鞍馬上。金盡酒徒中。一、銜蘆雁。爭飛背朔風。

邊遊同徐芝仙

天寒好遊獵。豪客興飛騰。馬足千峯雪。人鬚一尺冰。草枯延野燒。風急下飢鷹。不覺龍堆暮。穹廬酒凝。

望太行山

山作潼關險。銀戈勢獨雄。千盤拔河內。一折走遼東。大壑雲雷伏。陰崖日月通。魏、天下脊。元氣結鴻濛。

瀛海道中

孤角作秋聲。風從馬首生。釣璫未大老。攀柳得空營。身賤從為客。時清莫忘兵。數家煙火冷。愁見鄭州城。

登八達嶺

策馬出居庸。盤迴上碧峰。坐窺京邑盡。行繞塞垣重。夕照沉千帳。寒聲折萬松。回瞻陵寢地。雲氣摠成龍。

寄懷王阮亭司寇

矯々泰山松。巖々紫蓋峯。女蘿緣不到。海鶴下相從。標格中天月。聲名子夜鐘。徒思奉裙屐。一水隔芙蓉。

入齊州界

河入平原廣。城開歷下雄。村墟成水國。舟楫信天風。幾郡萑苻伏。三冬杼袖空。從來開聖慮。多半在山東。

次臨清

帆檣風送疾。睨睥月臨高。秋色分瓠子。河流會館陶。買花栽客舍。乞火上漁舟。旦々聞城角。聲々落海濤。

次淮安

淼々長淮水。湯々接海門。却烟分樹杪。船火聚城根。臘近難為客。時艱易感恩。眼前諸漂母。誰肯飯王孫。

楚州晚泊與姚息園太守

風帆淹旅泊。霜鬢負家林。冰雪淮陰路。關河歲暮心。墟煙籠樹薄。
漁火射江深。不厭携琴過。知君最賞音。

渚中訪徐文孝先

先朝徐稚在。頭白有餘悲。青犢連營後。紅羊換劫時。人謀安土少。
天悔罷兵遲。一棹隨漁父。烟波任所之。

從彭蠡轉九江泊小孤山下

不信滔滔者。洪荒直至今。高帆轉湖口。片石奠江心。鷹匝亭臺迥。
龍蟠窟宅深。迎神歌一曲。弦響下青禽。

發吳城寄孫芷田吳鏡秋諸同人

兩入吳城霽。推篷見大湖。舟因書卷重。灘過渚溪無。樹暗圍彭澤。
潮平突小孤。章門諸好友。夢寐到菰蘆。

湖舫叙別

暝色帶垂楊。停橈水一方。波含無限淚。人倚可憐粧。山月全低慢。
秋燈半隱床。他年重繫纜。相約在橫塘。

行經將軍猛虎諸灘

高灘十丈直。下響成雷舟。擲波心去人。穿石窟來虹。蜺雙瀑挂。
茁茁小峰開。濁酒酬三老。傾危仗汝才。

度仙霞嶺

浙郡通閩國。東南此一門。重關千仞合。暗水幾家存。日彩銷兵氣。雷聲破燒痕。無諸坐井底。瑣細不堪論。

次津門和梁文藥亭

白舫邀同載。津門水漸深。天風翻夕浪。海色變秋陰。市習無真氣。貧交得素心。羅浮峰四百。還許共登臨。

清遠峽望飛來寺

西峽青蘿束。中流白舫開。至今雲起處。在昔寺飛來。野鶴不花出。神魚觸石迴。風帆何太急。未許叩香臺。

花田

埋玉傳南漢。花田今尚存。雪中香不散。烟外月無痕。芳艸尋詩路。青旗賣酒村。漫將蝴蝶數。一一美人魂。

在雷州作

山以擎雷勝。城回負海斜。野童羅孔雀。村女制蚺蛇。月白珠爭彩。潭香藕作花。伏波祠廟在。報賽集神鴉。

高州謁誠敬夫人洗氏廟

蛾眉橫敘氣。繡繖覆千春。保障軍容壯。行祠畫壁新。江山存伯業。中閭見功臣。銅柱名堪並。貽謀啓後人。

經熱水諸山

昔聞越裳縣。今見茂名城。伏地泉俱熱。穿林瘴有聲。狼人持弩出。獍女帶刀行。好去安耕鑿。清時莫弄兵。

龍川晚次

插天千石笋。一水中生倒挂煙。蘿黑橫飛雪。練明雲垂鵬海濶。潮落鰲湖平。辛苦青裙女。眠篙到二更。

天涯亭

已度分茅嶺。還乘合浦船。人留百粵地。雁絕九真天。旅夢侵孤枕。鄉愁逼小年。天涯亭畔望。風雨益淒然。

答寄遠十二首

東陌尋芳近。南樓對酒濃。禽言聽屢變。花徑掃仍封。夫婿原詞客。君姑亦女宗。新詩相倡和。一一比芙蓉。

春曙鳥驚眠。春粧花欲然。小釵斜挂燕。雙鬢薄栖蟬。西許他姬學。詩從幼女傳。西隣雖有美。未敢並嬋娟。

玳瑁裝書軸。珊瑚挂鏡臺。詞人方好色。神女解憐才。綃自龍宮出。花從月窟開。啾々丹鳳穴。銜送九雛來。

曾無兒女態。直作友朋看。偕隱心如一。長貧道共安。壑簾花雨重。掃徑竹風乾。斟酌羅衣薄。天寒莫倚闌。

我家湖水濱。花木四時新。自抱春前病。常憐鏡裏人。離居芳艸換。

生計繡床貧。密意絨紅豆。教誰寄錦鱗。
黃蘗嘗來數。香閨苦盡諳。浮雲忽西北。孔雀自東南。書斷三青鳥。
絲縈五色蠶。微見眉影江。上月初三。
河水到門流。籬花繞徑秋。爨烟遲出突。霜月迥明樓。官稅錢刀少。
御隣禮數稠。書未解相慰。不肯說窮愁。
從戎備書記。飲馬就城壕。地入流沙遠。秋隨太白高。綠沉弓抱月。
紫艾劍吹毛。壯我英雄氣。臨行繡戰袍。
香自黎人採。珠為海客珍。竹箱盤鶴脰。渠盃刻龍鱗。鮫帕冰三尺。
菱花月一輪。此行應購得。歸贈可憐人。

彩雲垂戶暖。寶月射奩虛。白石郎何處。青溪女獨居。知題九華扇。
慵駕六萌車。共命西方鳥。吾生愧不如。
奉命司香寢。溫柔得小鬟。衣裁蝴蝶繭。身傍芡蘿山。珠笈粧臺啓。
金鍼社日間。知伊惜春色。長共掩花關。
江與天俱遠。人將月並孤。從為燕市客。不問酒家胡。金錯囊中盡。
芳年馬上徂。西湖歸計得。秋日飽蓴鱸。

風洞山

不放天風出。長高古洞門。嵌空翻日馭。剝石斷雲根。草綠知春至。
塵勞見佛尊。到來人世隔。雞犬不聞喧。

度虎牢

斷續餘殘堞。天留呂布城。關門通鳥度。飛棧踏空行。河響兼冰下。嵐光着雪明。峨嵋嵩嶽在。翹首見西京。

同人集霜云院古梅下二首

禪關花事坐。一杖入雲求。凍蕊春才動。名山老更遊。光通松下澗。影亂竹間樓。浮世閒難得。回君半日留。
斷續催花雨。春來苦不休。天教晴一日。吾得縱扁舟。雲白香逾冷。溪喧雪共流。羅浮無夢到。翠羽漫啁啾。

邊雪

春色斷窮邊。人雪裏眠久。知沙漠苦。敢恨太陽偏。白擁三闕月。寒封萬堡烟。鐵衣渾不解。辛苦勒燕然。

邊柳

雪豎稊仍發。烟含綠漸敷。鶯聲不到處。春色未全無。大將開牙帳。妖姬坐酒壚。驚風莫吹折。葉上好藏烏。

出虎北口二首

大道離宮接。年駐六龍長。城盤一綫列。嶂束千重寶。曆頒殊域。金車作正供。萬方從出入。何用一丸封。
雄關十八隘。此嶺一屏藩。往日烽烟急。防秋甲騎屯。橫流村漸徙。

古木成猶存。白首當羈旅。滄桑且漫論。

與塞九如

瘦馬步能工。輕裘敬朔風。客未還命酒。官在亦飄蓬。雪霽鷹盤樹。天寒鶴受籠。多君頭未白。名著抱關中。

潼關二首

重關踞天險。三輔重神京。繡嶺遙尊嶽。黃河曲抱城。一夫今保障。羣盜昔縱橫。星隕何年事。徒傷父老情。謂孫督師傳庭窺關如在井。立馬一峰高。竟失山河險。徒跨汗血勞。沙虫迷白日。陵谷徙洪濤。翻使黃巾笑。橫行遇汝曹。

題樾亭上人養母圖

妙相春長駐。高堂景未斜。烏巢雙樹月。鹿乳一園花。乞食榮于祿。空門勝似家。編欄吾罷舞。回首愧袈裟。

戊子九月十七夜同塞九如蘇穎士賦

相憶嗟行役。相過慰夢魂。邀驩爭一夕。傳折靜千門。時事聞人說。詩歌共余論。寡々吾軍在。流轉任乾坤。

次吳江白氏瓊如艤舟相待

多謝芙蓉舸。迎余一水涯。烟嵐遲霽色。冰雪換春華。粉艷非關月。衣香不借花。綠窓低掩處。星斗漫橫斜。

韶石山

芙蓉三十六。竒絕是毬門。高攬一江秀。平臨雙闕尊。迴風穿石竇。飛瀑浴雲根。萬籟此齊發。蕭韶今尚存。

七星巖

何年墜七星。化作七峯青。扣石驚鐘鼓。披雲得戶庭。樹儂滋石髓。僧老肖猿形。身世同沙鳥。浮沉任杳冥。

電白道中

下嶺客愁多。褰裳渡白波。雨來雙甌嶺。電劃五藍河。暝色銜城郭。人煙浸薜蘿。秋聲吟太苦。奈尔百蟲何。

田州道中

田州二千里。疆場最稱雄。地与諸蠻雜。官惟司馬崇。滇黔分路入。交廣合流通。百色人煙聚。魚鱗泊短蓬。

次老龍江口

一帶黃茅屋。高征總在山。舟亭危石動。月湧暮潮還。跳樹猿偏捷。求魚鷺不閑。短節能借我。扶上白雲間。

交州道中

春風吹彩鷁。容與對青尊。津路分三角。巖關障一門。潮平綠珠渡。花繞玉環村。莫更攀湘竹。枝枝搥泪痕。

發建凌

鼓棹辭西粵。開帆趁北風。水聲飛弩下。山勢闕雞雄。雨歇秦關外。秋深蜀道中。福梁謀故拙。吾愧信天翁。

馬峽

舟與重灘鬪。波濤怒至今。槳歌爭避石。帆迫忽穿林。碧注三江濶。寒歸一峽深。人言有龍馬。風雨或長吟。

漕溪贈黃補庵兼別汪絃亮

春溪本迢遞。難怪少逢迎。以我求風雅。因君得友生。狂還存故態。窮乃食才名。醉別桃花水。汪倫割有情。

一徑

一徑亂紅迷。人來踏作泥。春山斜抱屋。野水曲通畦。忽訝金庭接。曾將玉手携。胡麻頂好種。再世作仙妻。

昭平道中

灘勢奔騰下。舟行次第高。瀑流爭一石。人力盡千篙。壁峭懸雷雨。林深聚羽毛。江鄉歸未得。夢寐亦風濤。

次濟州陪梁藥亭太史遊古南池

雨氣收龍廟。晨光漾濟州。龜蒙開一角。汶泗會雙流。言訪南池勝。同登太白樓。猶憐數行柳。蕭瑟對高秋。

望五老峯

廬山五老峯一老芙蓉倒映江心月
遙聞洞口鐘氣蒸山雨合
陰落水簾重恍惚仙人降青天騎白龍

贈靈樹園僧

托鉢今安往為園計未踈六時勤灌溉
十指作耰鋤夜火分煨芋
春盤待剪蔬河冰方解凍努力在春初

與友

伶仃弱冠年辛苦事遊燕意外逢多難
貧中棄薄田一身穿虎豹
九死脫鷹鷂努力親任史皇天鑒汝賢

自黃花鎮至宣府

雨入新河溢山橫獨石長三關下鵬鷲
八驛散牛羊癡苑傳遼后
宸遊憶武皇樽前小兒女猶唱玉娥郎

桃花口

雨餘湍更逆岸轉路仍通不分桃花口
空多木葉風日斜船渡馬
霜落渚歸鴻是處生楓樹天寒不肖紅

送汪藻亭之錦州

君從大寧路走馬過中屯八部分營壯
羣流赴壑昏股肱遼海郡
鎖鑰奉天門不上依無慮安知北嶽尊

寄李廣文醒庵邯鄲

邯山於此盡城郭轉倭遲。洛水春流咽。叢臺蔓州滋。一官何太冷。雙鬢漸成絲。不及同京邸。論文絳帳時。

薊鎮

薊塞屏藩通渤海。神州鎖鑰倚燕山。大寧北棄三千里。獨石東開廿四關。朔雪哀笳移帳去。夕陽空州臂鷹還。白頭剩有沙場客。猶說宣皇射朶顏。

宣府

野狐關隘轉羊腸。輸輓艱難驛路荒。忍使武邊屯重地。竟同饑雀噪空倉。邊人廬帳交三岔。漢將旌旗隔一墻。堅壁好防飛騎入。北門原是舊沙場。

大同

了角秋生箴策哀。馬頭豁達萬山開。二邊已割中華險。九堡空遮朔騎來。紫塞月沉蘇武廟。黃榆風掃李陵臺。一軍辛苦屯寧武。昨日關前大戰回。謂周將軍遇吉。

山西二首

天半三閩控晉州。特加旄鉞鎮偏頭。春光不入紅門隘。殺氣常寒白草溝。東拓平型封疊嶂。北搜河套截洪流。太原一臂連宣大。保

障神京幾百秋

并州三路達幽燕。開府遙臨大漠天。屯戍更番勞撫字。春秋出入備中邊。櫻桃分隊紅連鎮。菽麥環營雪一川。西北正當全晉背。隔河休遣報烽烟。

榆林二首

榆林一鎮勢孤懸。直達銀靈路二千。誰使邊商停轉粟。坐令軍壁減炊煙。白城雪凍牙旗裂。紅寺風高鐵甲穿。解遊魚河輸輓苦。諸君何計復屯田。

沙南徙鎮意如何。野獮黃羊入塞多。列障千重通夾道。孤城三面抱渾河。將軍布陣分鸞鶴。壯士成城號駱駝。設險但由東。勝在年年牧馬不教過。

寧夏

地入營州朔氣凝。漢家兵甲坐相仍。山開五衛盤心腹。天作三城寄股肱。赤水漲渠畊久廢。霜笳入套戍頻增。渾脫音駝轉瞬能飛渡。不待黃河十月冰。

固原

西聯八郡兼三鎮。花馬池今號大門。画角斜吹關月冷。明駝高擁塞雲昏。地貧更徙鹽池榷。食盡還添甲騎屯。莫向賀蘭山後望。榆

黃沙白暗驚魂

甘肅

三關西極控巖疆。拓地猶傳漢武皇。沃壤自來通瀚海。大廷誰議棄燉煌。海潮夜煮池鹽赤。野馬秋眠塞草長。回首金城二千里。祇由一綫出莊浪。

登古代城望上谷雲中諸山

睥睨千秋對夕陽。開邊猶說武靈王。水連掃谷春多雨。石為磨笄夏有霜。風馬四朝嚴鎖鑰。關河一臂壯金陽。軍州十六山前後。往事何須怨石郎。

望西嶽

五千仞削勢崔巍。西鎮坤維玉作臺。海日夜從金掌出。蓮花春向石盆開。宮臨白帝三峯立。城繞黃河九折來。欲跨茅龍問酒母。芝田堪種乏仙才。

登泰山絕頂

丹梯飛磴接天門。杖底風雷萬壑奔。四嶽共推青帝長。一峯還占丈人尊。漢家雲氣封中出。秦代松陰石上存。俯仰不知天下小。蓬萊宮闕射朝暉。

萬物畫沒青帝出。諸峯都讓丈人尊。句平第山。

途經嵩山

芙蓉六、護丹霞。歷代登封駐翠華。山繞屬車呼萬歲。人來少室種三花。中天樓閣龍文古。落日環轅馬跡斜。千樹赤梨霜後熟。却疑巖畫^燈仙家。

長陵

成祖永樂在位二十二年

長陵西枕黃花鎮。尚憶文皇控制難。躬掃烽烟臨大漠。統承茅土作長安。虛無玉殿雲霞閃。窈窕紅燈檜柏寒。十六宮嬪魂宛在。月明夜擁迴鑿。

妃嬪殉者十六人相傳每夜擁紅燈從松揪出引駕以行甲申三月後遂絕

雷陵

仁宗洪熙在位一年

仁廟龍飛只一春。無邊德澤感臣隣。皇圖自此培元氣。天祿何妨付聖人。銀海月明沉雁鷺。彤墀草滿臥麒麟。山頭霞、含桃熟。可有祠官為薦新。

景陵

宣宗宣德在位十年

路入軍都黑嶺西。景陵松柏望中迷。龍池日抱玄宮壯。鳳闕雲垂玉座^位。御世澤同仁考。沛安邊威與太宗齊。十年端拱稱神聖。腸斷春山杜宇啼。

裕陵

英宗正統先在位十四年後復位改天順八年

玉井幽通隊道偏。石門蒼翠鎖雲煙。君臣義切迴鑿日。兄弟情疎復辟年。雉谷晴開華表迥。榆河春繞御橋圓。世傳恩詔彌留際。不

使宮人殉九泉

英宗曰用人為殉吾不忍也遂為定制

茂陵

成宗景泰在位七年

詔議三邊築塞垣受降鼓角寂無喧已聞選將搜河套復念防秋
守固原歲月尚隆周祀典松楸不改漢陵園朱弓玉鳥今安在廟
器空憐筍簾存

泰陵

孝宗弘治在位十八年

孝皇陵木鬱重城十九年中頌聖明簿點宮人空直御禮優閣老
不呼名御溝水注桑乾閣寢殿雲開碣石晴自有內官供洒掃秋
風未黍漫傷情

康陵

武宗正德在位十六年

七葉神孫逢武廟五峯背控夕陽斜寶城碧墮琉璃瓦御路黃翻
首藉花韋有姚江能討逆直將宣府號為家六宮夜一笙歌靜空
倚紅雲望翠華

永陵

世宗嘉靖在位四十五年

永陵陽翠結芙蓉繚以重垣錦不如三楚龍飛紅日近九霄鶴返
白雲虛中興事業功非小大禮臣工議孰踈自喜萬方無一事端
居惟誦上清書

昭陵

昭陵

穆宗隆慶在位六年

山園大峪州主春玉殿朱衣似有神六載幸逢明聖主萬方猶說
太平人籌邊緩急思飛將願命真誠托老臣尤羨灞陵存儉德御
厨供膳減時珍

定陵

神宗萬曆在位四十八年

四十八年海宇安寧知陵寢竟荒殘紅墻鎖斷春山色古柏聲權
夜壑寒黼座凝塵長未御封章經歲幾曾看白頭宮監猶能說相
對西風木葉乾

慶陵

光宗泰昌在位一月

一月垂衣臨萬國詔書先罷採金人軍儲急發供邊戍權使全收
免算緡寶錄不忘傳玉璽紅丸何計駐青春聖朝置戶司香火陵
樹雖多不作薪

德陵

熹宗天啟在位七年

雙鎖山開御道通古槐鬱鬱護神宮翠旗夜捲窪中月石馬寒嘶
峪口風內豎一朝祠宇遍爰書三紫士林空君王正赴西園獵勅
遣蛾眉看射熊

思陵

懷宗崇禎在位十七年

錦屏山色隔城來渴奠千秋事可哀一劍竟捐宮主愛九門已報

寺人開淒涼。五詔留衣衽。寄莫桐棺付。艸萊太息烏。號幾人抱紅
墻。日落首重廻。

尋天下大師墓

當時遁跡入禪關。身似浮雲到處閒。解道龍蛇潛草野。何年弓劍
傍橋山。緇衣那有中官識。御馬誰迎老佛還。一自櫻桃無薦處。官
留封樹在人間。

對酒有贈

百越威名自昔聞。崧臺留客醉斜曛。江干憔悴漁父。天下英雄
說使君。秋氣暗摧高峽樹。海氣遙帶鬱林雲。漫愁部曲多零落。長

劍猶堪當一軍。

一枝

湖山無地結茅茨。暫向林園借一枝。蕩子三年纔見婦。癡兒六歲
未從師。雨聲入葉蟬先覺。荷氣迎秋鷺不知。遮莫家人勤禮佛。好
從多難證心期。

荅塞九如

六年重到鳳皇城。不介霜花鬢裏生。古壁龍蛇誰寓目。窮途風雨
最關情。花前酒盡衣重典。雪後鴻歸月正明。白羽凋弓無恙在。莫
回平世罷談兵。

關山月

萬里關山紫塞長。高秋明月正蒼涼。寒生虎落新屯戍。白照龍沙古戰場。磨劍隴頭看似水。擣衣砧畔拂疑霜。可憐今夜深閨夢。不到金微也斷腸。

次吳江

倚櫂吳江已暮春。近鄉猶作未歸人。情回有種翻多累。事到難言始是貧。幾處杏花喧賣酒。一簑烟雨自垂綸。船頭咫尺鴛鴦水。紅板橋邊怯問津。

登建州城樓

戍樓高枕響山巔。尚憶中丞秉鉞年。南極三城臨蜃市。東封百越靜狼烟。雄關疊鎖摩雲嶺。窮島長開破浪船。請語澎湖嚴守禦。一軍海外是孤懸。

廣州道中

羣山高擁越王臺。背繞巖城雁翅迴。禺峽外連滄海。合羅浮中斷鐵橋。開鮫人夜月携綃出。估舶秋風截浪來。莫笑抱孫娛島嶼。當年曾負霸王才。

湘江道中

越客歸舟向洞庭。心隨一雁入空冥。烟開沅水雙流合。帆轉衡山

九面青魂返江楓哀楚此曲終瑤瑟怨湘靈振衣已出塵埃外漁父何因笑獨醒

洛下

黃河水合朔風鳴馬渡堅冰向洛城山鑿龍門留砥柱雲開嵩嶽出西京詩名此日傳張載時事當年哭賈生莫問前朝舊陵寢北印狐兔久縱橫

由鹿江抵北流

頻年鞍馬歷荒陬唐代羈縻是此州搖洞千蟠攀嶺怯鬼門一綫入天愁朝昏吹角呼林鹿婦女張弓射野牛却望伏波銅柱在飛

鳶跖海西頭

雍州道中

白恰青袍稱遠遊搖鞭漫指古秦州一聲雞報關門曉半壁田開谷口秋鳥鼠並山穿穴出漆沮分水挹城流城南杜曲今何在寒日焦々落馬頭

王昊廬宗伯別業

歸去尚書未白頭江南正壑足淹留門前老鶴迎人舞床下清泉湧月流三徑花光千日醉一筇山色六朝秋黃庭信是長生術柏子香深讀幾周

同人集塞九如齋中送劉東郊方東華南歸

二子論文膝弟兄輪蹄相逐出神京
閒雲過嶺難持贈餘菊浮杯好送行
吟入三江囊並滿春迴十月病全輕
回君忽墮思鄉淚係作寒潮繞石城

費二滋衡入蜀

平生苦憶繁川路萬里西歸獨見君
掠亂干戈遺幾姓艱難歲月認孤墳
松揪半入寒原燒碑碣深埋故壘雲
已識壇丁虛版籍當關猶說費家軍

尊公燕峯先生曾募鄉勇守高定關土寇不敢犯壇丁蜀中民兵也

跋潯陽

龍城古驛夾青楓倒映雙帆落照紅
司馬有情秋送客小姑無偶月臨空
天垂廬嶽三梁接地裂潯陽九派通
慙愧神人憐送旅平明假我北來風

謁于忠肅公祠上十六韻

英宗初北狩朔騎欲南馳土木烽烟起
京都簾篋吹于公饒智勇攝主寄安危
募卒堅城守赫糧絕寇資漏深趨玉關
日旰待銅池社稷原為重君王豈若遺
回鑿成笑得司馬立功懷德青衫辱
徽欽雪窖悲早詞真足笑浪戰亦徒為
殊績凌前代雄威鎮遠陲易儲應密諫
迎立摠虛詞恩重身難退名高跡易疑
丹葵不蒙照

白壁究何疵。燕市成仁日。皇穹震怒時。風沙翻地軸。霧蔽天逵。
月黑宵啼鬼。霜清樹叫鷗。推功還論定。易世見榮施。忠憤生前抑。
神靈夢裏知。波濤起東浙。松柏挺南枝。去疾言猶在。偏安恨未夷。
精誠堪並峙。勲業獨無隳。嗚咽瞻遺像。摩挲讀斷碑。画廊春雨暗。
苔壁夕暉窺。陰火飛龍袞。靈風肅繡旗。兩湖蘋藻潔。三異日星垂。
公與劉青田王陽明為浙江三異人永使臺山重。孤忠貫兩儀。

留別諸同人

又作春明別。仍為汗漫遊。未能忘洞壑。豈敢傲王侯。絲竹悲前路。
圖書載小舟。雪消青野出。冰解玉河流。天意升沉定。吾生去住浮。
山中名遠志。海上狎閑鷗。烽色通雞鹿。寒聲靜石尤。長安公等在。
一笑返滄洲。

權歌

風江潮動月茫茫。懊蕩聲中露氣香。南北東西盡蓮葉。不知魚戲
在何方。

戲贈謝氏橫波

苔階立久落花多。不遣春愁上翠蛾。二十五年猶待我。依然無賴
是橫波。

遠山

望中半額画長城。皎。當窓奈遠何。不是白雲開一角。曉來誰見
黛痕多。

得書

半載瓊函得未曾。強開醉眼剔秋燈。不知多少離居泪。濕透杭州
柿蒂綾。

庭柳

含煙惹霧不朦嬌。天與風流割楚腰。一曲闌干數聲笛。銷魂不在
短長條。

題馬秋田詩稿後

此詩別裁集選作題謝晉人詩後

紅桂飄香月露清。玉完天上奏瑤笙。白頭弟子秋風裏。來聽霓裳
第一聲。

筍溝早發

北風獵獵水茫茫。多謝吳門鼓世娘。鐵鹿長檣四千里。送人夫壻
早還鄉。

海幢寺觀大水西下

鬱水西來萬壑奔。倒翻壘影盪雲根。中間一束高要峽。直放驚濤
出海門。

白河

午夜潮聲到海回。白河東下疾如雷。添將多少征人泪。直向丹花嶼下來。

玉笛

寒星七點貫天風。玲瓏重照華出漢宮。一曲梅花吐清氣。倚樓人在月明中。

懊儂曲

荷花風動滿船香。岸上誰家年少郎。聞道金丸能打鴨。不應驚散紫鴛鴦。

津門九日

何處登高把一尊。晚來潮落見津門。不知梅葉兼楓葉。紅到江南第幾村。

早起

春寒如水浸羅綃。早起窺簾倚玉鈎。誰向井闌牽素綆。櫻桃花下未梳頭。

龍人曲

八口妻孥一葉舸。鯉魚撥刺換香醪。自言少小知龍窟。能抱琅玕出海濤。

泊荔支洲

幾幅春帆出浦遲。荔支洲畔雨如絲。關情欲問昌華苑。柳色似漢時。

丁酉五月初下收此舊抄一冊于海上不知曾
晨板香卷中有晨華批云歸愚弟道之入
別裁身中是此抄早於沈選 乾隆末年
不字可路重也 黃裳九

